

## Exco Helwa Kolej Excellent UMS Anjur Kelas Memasak

Terakhir dikemaskini: Isnin, 26 Mac 2018 17:00 | [Cetak](#) | Jumlah paparan: 471

Kongsi 17

Syorkan 17

Kongsi

Tweet

Share



**ISNIN, 26 MAC** – Seramai 46 pelajar Kolej Kediaman Excellent menjayakan Program Kelas Memasak 2018 yang diadakan bertempat di Makmal Teknologi Bakeri, Fakulti Sains Makanan dan Pemakanan (FSMP) baru-baru ini.

Pengarah program, Munirah Amani Azizan berkata, program yang diadakan buat julung kalinya oleh Exco HELWA Jawatakuasa Kebajikan Mahasiswa (JAKMAS) kolej itu bertujuan meraikan peranan wanita sekali gus mengasah bakat serta memberi pendedahan kepada para peserta dalam bidang masakan.

“Program ini dikendalikan pensyarah berpengalaman dari FSMP, Mohammad Halim Jeinie yang telah mengajar para

pelajar teknik menyediakan dan memasak muffin dan brownies.

“Selepas itu kesemua peserta kemudian diminta untuk menterjemahkan ilmu yang diperoleh dalam pertandingan masakan yang turut diadakan pada hari yang sama bagi mengetahui sejauh mana kefahaman mereka,” katanya dalam satu kenyataan hari ini.

Menurut Munirah, kesemua pelajar yang hadir sangat seronok dengan pengisian dan mengharapkan agar program-program seumpama itu akan diteruskan pada masa-masa akan datang.

“Sebenarnya masih ramai pelajar yang ingin menyertai program ini tetapi atas kepasiti penyertaan yang agak terhad kita membuka pendaftaran berdasarkan siapa cepat dia dapat,” katanya.

Majlis perasmian program sehari itu disempurnakan, Timbalan Pengetua Kolej Kediaman Excellent, Mohd Hilmey Saili.

Sumber: Kolej Excellent